

稱忠愍轉達之語不但有脅持之意亦有大可慮者如 上教

所諭臣近自六年以來長在道途之間凡干機務實同聾瞽既乃待罪非據亦不敢不任其事每當大小咨 奏書揭之修但

憑政院口授該司公事如矮人觀場言笑隨他非出真見故其遣意措語每懷疑信不得信筆為之其肯意紕繆可誤 國事

者必多有之此猶輕耳奈重者大者何此臣之所大悶而惶恐偏則不敢瀆辭者也臣自前月二十日寒疾重作左手麻木眩

運又發方在 恩假藥餌之中不得詣 闕陳 達而急於回啓敢煩塵劄尤不勝震越之至取 進止○壬申○大司諫宋

諄司諫金大來獻納李好義正言蔡衡 啓曰伏見趙光璿疏內一款以臺閣彈劾為非公論臣等顯被詆斥決難覲然苟冒

仍處重地請 命罷斥臣等之職 答曰勿辭退待物論○執義具義剛掌令權縉趙庭堅持平崔忠元 啓曰伏見趙光璿疏有

臺閣彈劾或非公論云臣等俱以無狀待罪言地顯被詆斥不可覲然仍冒請 命罷斥臣等之職 答曰勿辭退待物論○夜自